



RESOLUCIÓN DO DEPARTAMENTO TERRITORIAL DE VIGO POLA QUE SE PUBLICA O LISTADO DE PERSOAS ASPIRANTES SELECCIONADAS PROCESO SELECTIVO PARA O ACCESO AO PERMISO DE EXPLOTACIÓN DE MARISQUEO A PÉ NA MODALIDADE DE MARISQUEO XERAL PARA O EXERCICIO DA ACTIVIDADE EXTRACTIVA NO ÁMBITO DA CONFRARÍA DE CANGAS, E SE ABRE O PRAZO PARA A PRESENTACIÓN DE DOCUMENTACIÓN

ANTECEDENTES

1. A Orde do 21 de decembro de 2023, pola que se aproba o Plan xeral de explotación marisqueira para o trienio 2024-2026, aproba o plan específico de explotación de moluscos bivalvos, na modalidade a pé, da Confraría de Pescadores de Cangas e no que figura un número máximo de 5 participantes.
2. A Confraría de Cangas solicita o 21 de maio de 2025 o inicio do proceso selectivo para a cobertura de prazas vacantes.
3. Mediante Resolución do Departamento Territorial de Vigo, do 26 de maio de 2025, convócase un proceso selectivo para acceso a dúas (2) prazas de marisqueo a xeral a pé na confraría de Cangas. Ábrese un prazo de 15 días hábiles para presentación de solicitudes.
4. Mediante Resolución do Departamento Territorial de Vigo, do 1 de xullo de 2025, publícase a lista provisional de admitidos no proceso selectivo. Tan só se presentou unha (1) persoa ao proceso selectivo, número inferior ao de prazas ofertadas, polo que non se fai necesario establecer unha orde de prelación e polo tanto non procede á baremación para puntuar a solicitude. Ábrese un prazo de 15 días hábiles para efectuar alegacións. Non se presentaron alegacións.

Non existen solicitudes excluídas do proceso.

CONSIDERACIÓNS LEGAIS E TÉCNICAS

1. Este Departamento Territorial é o órgano competente para o outorgamento dos permisos de explotación de conformidade co establecido no Decreto 425/1993, do 17 de decembro, polo que se refunde a normativa vixente sobre o permiso de explotación para exercer a actividade pesqueira e marisqueira, modificado polo Decreto 114/2007, de 31 de maio, e polo Decreto 48/2013, do 7 de marzo.
 2. A Orde do 15 de xullo de 2011, pola que se regula o permiso de explotación para o marisqueo a pé, regula no artigo 6 e seguintes o procedemento para a obtención do permiso de explotación.
- De acordo co anteriormente indicado e, de conformidade co establecido na base 3.1 do Anexo A, da Resolución do 13 de maio de 2024, pola que se convoca proceso selectivo para o acceso ao permiso de explotación na modalidade de Marisqueo xeral para o exercicio da actividade extractiva no ámbito da Confraría de Moaña, así como no Decreto 245/2009, do 30 de abril, polo que se regulan as delegacións territoriais da Xunta de Galicia, modificado polo Decreto 149/2024, do 20 de maio polo que se modifica o Decreto 50/2021, de 11 de marzo, polo que se aproba a estrutura orgánica da Consellería do Mar, este Departamento Territorial no exercicio das súas competencias,





RESOLVE:

1. Publicar o nome da persoa que superou o proceso selectivo para o acceso ao permiso de explotación de marisqueo a pé na modalidade de marisqueo xeral para o exercicio da actividade extractiva no ámbito da Confraría de Cangas.
2. Non existe lista de reserva.
3. A persoa seleccionada disporá dun prazo de **quince (15) días hábiles**, contados a partir do día seguinte ao da publicación da presente resolución, para achegar a documentación que figura na base 3.2 do Anexo A da convocatoria:
 - a) **Certificado de estar empadroad/a nun municipio do litoral de Galicia.** Esta documentación non será necesaria, no caso de ter dado o consentimento para comprobar os datos de residencia mediante consulta ao sistema de verificación de datos, de acordo co Decreto 255/2008, do 23 de outubro, e a Orde do 7 de xullo de 2009.
 - b) **Certificado da Seguridade Social de non ser perceptor/a de pensións de xubilación, grande invalidez, incapacidade permanente absoluta, incapacidade permanente total, en favor de familiares ou perceptor da renda de integración social de Galicia.** Non será necesario no caso de ter dado o consentimento para comprobación destes datos.

No caso de percibir a renda de integración social deberá achegar escrito de renuncia a esta prestación.

- c) **Documento médico que acredite non estar incapacitada para exercer as labores do marisqueo.**
- d) **Fotografía de tamaño carné, actual.**
- e) **Certificado de mariscadora.** Esta documentación non será necesaria, no caso de ter dado o consentimento para a súa comprobación ou xa teña sido presentado durante o proceso selectivo.

No caso de non posuílo, terá que realizar o curso a primeira vez que sexan convocada - salvo causa debidamente xustificada - pola Dirección xeral de Desenvolvemento Pesqueiro.

Esta documentación deberá dirixirse ao **Departamento Territorial de Vigo**

4. De acordo co disposto no Decreto 425/1993, do 17 de decembro, as persoas seleccionadas que presentasen a documentación dentro do prazo establecido deberán cumprir ademais cos seguintes requisitos para a obtención do permiso de explotación: **"non ter sancións firmes en vía administrativa en materia de protección de recursos mariños, pendentes de pagamento"**.

As persoas que, dentro do prazo fixado, non presentasen a documentación ou que, da revisión da mesma, se deducise que carecen dalgún dos requisitos sinalados, entenderase que desisten da súa solicitude. Neste suposto, emitirase unha nova resolución modificando esta, de acordo aos prazos e forma recollidos nos parágrafos anteriores, declarando seleccionada/s a/s persoa/s que figuren na lista de reserva pola desistencia das persoas que non presentaron a documentación ou carecen dos requisitos.





5. A presente resolución publicarase no taboleiro de anuncios do Departamento Territorial de Vigo e na páxina web <http://www.mar.xunta.gal>.

Esta convocatoria tamén estará exposta, con carácter informativo, nos taboleiros de anuncios das Xefaturas Comarcais de Vilagarcía de Arousa e de Pontevedra, así como no taboleiro de anuncios da confraría.

Contra esta resolución, que non pon fin á vía administrativa, poderá interpoñerse recurso de alzada ante a Conselleira do Mar no prazo dun (1) mes contado a partir do día seguinte ao da publicación desta resolución, de acordo co establecido nos artigos 30, 121 e 122 da Lei 39/2015 de 1 de outubro, do procedemento administrativo común das administracións públicas.

A directora territorial
María Elena Suárez Sarmiento

Por suplencia da directora territorial (Resol. Do 13/05/24)
Xefa do Servizo de Pesca, Acuicultura e Innovación Tecnolóxica
Carmen de Benito Caula



ANEXO I
RELACIÓN DEFINITIVA DE PERSOAS SELECCIONADAS NO PROCESO SELECTIVO PARA OBTENIR O PERMISO DE EXPLOTACIÓN NA MODALIDADE DE XERAL A PÉ NO ÁMBITO DA CONFRARÍA DE PESCADORES DE CANGAS

Nº	Apelidos e nome	D.N.I.
1	VEIGA ENTENZA, MARÍA NIEVES	* * * 5879 * *

Nota: ocúltase parcialmente o número de D.N.I. en aplicación das garantías de protección da súa divulgación, seguindo o establecido pola Lei orgánica 3/2018, do 5 de decembro, de Protección de Datos Persoais e Garantía dos Dereitos Dixitais en relación á identificación dos interesados nas notificacións por medio de anuncios e publicacións de actos administrativos, así como a orientación para a súa aplicación da Axencia Española de Protección de Datos.

